



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

LXVIII. Ein kauffbrieff Henning Warborgs, Dorinne er dem Closter Himmelpforte vorkaufft 10 Mark geldes vff dess Schultzen zu Vlatow Hofe vnd Hufen vnd 5 Mark vff Westphals hofe vnd alle andere seine ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

uen vnd geschreuen Ihs tho Lichen, Na Christi geborth vierteinhundert Jar, darna In deme achte vnd druttigsten Jare, Ann deme dage Simonis et Jude, der hilgenn Aposteln.

Auscultata et Collationata est hec presens Copia cum suo vero originali et concordat cum eodem verbotenus, Quod attestor ego supradictus Notarius Erasmus Seidell hac mea manu propria.

LXVIII. Ein kauffbrieff Henning Warborgs, Dorinne er dem Closter Himmelpforte vorkaufft 10 Mark geldes vff des Schultzen zu Vlatow Hofe vnd Hufen vnd 5 Mark vff Westphals hofe vnd alle andere seine gerechtigkeit Im dorffe Vlatow fur 200 Mark Vinkenogen.

Inn deme Namen der hilgenn vnd vnscheidenn dreualdicheitt Amen. Vp datt de ding, de geschin Inn der tidt, mitt der tidt nicht vorgann, So Ihs noth, datt men mitt schrift vnd Ingefeleenn datt beware. Hirumme Ik Henning Warborch, wonastich tho Ballin, Bekenne vnd betuge openbar mitt minen rechtenn eruenn, de nu findt vnd nakomen mogenn, mit dissem Jegenwerdigenn open breue vor alle denn Jenen, de en seenn, horenn edder lesenn, Datt Ik mitt beradenn mode vnd guden frihenn willen, vngenodigett vnd ane allen Dwang, recht vnd redelkenn vorkofft hebbe vnd Jegenwerdigenn vorkope Inn krafft disses breuefs deme Erwerdigenn In Gott vater vnd Hern, Herrn Hinrike, Abbete, vnd der gantzenn sampnigen des Closters tho der Hemmelporthe tein Mark geldefs wonliker Munthe, Als Inn dem Lande tho olden Stargarde genge Ihs, vp deme schultenn tho Vlatow vnd sinenn houe vnd huenn vnd viff Mark geldefs derfuluenn munthe vp deme houe vnd huenn, denn nu bewonett Westeuall, vnd allendt, wels Ik dar gehatt hebbe An pacht, an dienst, ann richten, hogestenn vnd sifestenn Inn dem felde vnd dorpe tho Vlatow, vor twe hundertt mark vinkenogenn, de se my an gudenn holenn Berlischenn penningenn woll tho der nöge vnd tho dancke beredt vnd betalet hebbenn, de vorbatt Inn minen vnd miner eruenn nuth vnd fromenn gekomen findt. Dieffe vorbenombde kop schall ewich bliuenn deme vorbenombdenn Closter vnd Godeshufe tho der Hemmelporthe, vnd Ik vorbenombde Henning Warborch vnd mine eruenn vnd nakomlinge beholdenn nisches nicht Inn deme vorschreuen gudern vnd dorpe tho Vlatow, Vnd Ik schall vnd will mitt minenn eruenn dem vorschreuen Godeshufe, deme Abbete vnd der gantzenn sampnigen des Closters tho der Hemmelporthe des eine rechte wehre wesenn vor minenn veddernn allen, watt Warborge genomett findt, tho ewigenn tydenn, sunder Jennigerleye argelift. Were ock, datt wels vorlumett were Inn dessem breue ann dichtenn, an schrift edder estt disse brieff wurann vordorue, begotenn edder vorwarlofett wurde, datt schall mie edder minenn eruenn nicht tho Hulpe noch tho framenn kommenn vnd dem vorschreuen Closter vnd Godeshufe tho der Hemmelporthe tho ninenn Hinder noch schadenn. Alle disse vorschreuen stucke, puncte vnd Artickell vnd ein Jewelk by sik Loue Ik vorbenombde Henning Warborch mitt minen eruenn stede vnd vast tho holdende, sunder Infall, Jennigerley Nige Infindinge edder argelift. Hirann vnd ouer sind gewest de Erwerdige Herren: Her Hinrick Cran, prowest tho Fredelande, de duchtigenn Claufs Priggenitz, Claufs Cule, Otto Warborch, Her Jacob Germann, Perner tho Werbende, vnd mehr bedderue lude, de woll erenn vnd louenwerdich findt. Des tho Vrkunde, merer sekerheit vnd groter bewarunge hebbe Ick vorbenombde Henning Warborch min Ingefezell mitt gudenn

willenn hengen lathenn an deffen brieff, de geueenn vnd geschreueenn Ihs tho Lichenn, Na Christi geborth viertteinhundert Jar, darna In deme Achte vnd druttegestenn Jare, an deme dage Simonis et Jude, der hilgen Apostelenn.

Dass dise Copej mitt Irem Rechten Pergamenen Original von mir Erasmo Seydeln, Notarien obgesatz, auscultiret, Collationiret vnd demselben allenthalben gleichlautend sey, Das betzeuge Ich mit diser meyner eigen Handschrift.

LXIX. Eine Ratification vnd Consens Albrecht Warborgs vber alle gueter, die seine voerfahren dem Closter Himmelporte In den dorffern Werben vnd Vlatow vorkaufft habenn.

Ik Albrecht Warborch, Hinrick Warborges sohne, Wannerdagels tho dem Dolghenn wonastich, Bekenne vnd betuge openbar mitt dissem Jegenwerdigenn minen openn breue vor allefs weme, dar he vorkommet, dass Ik mitt minenn eruenn Alsdann versegelde breue, alle min vader seliger dechniffe vorgenanth vnd sin Broder Her Otto Warborch mitt alle obrenneddenn, Warborge genennet, tofammende edder ein Jewelk by sick, vormalls denn Erwerdigenn Hern Abbatenn, priornn vnd dem gantzenn Conuente deffs Closters Himmelporthen vnn der guder wegeenn, die sie en vorkofft hebbenn tho Werbende vnd tho Vlatow, na Inholdinge derfuluenn breue versegelt vnd en darup geueenn hebbenn, Ik tolathe, vulborde vnd bie gantzer macht lathenn will vnd dartho niner tidt Jegenn donn effte komeen will mitt wordenn edder mitt werkenn vnd tho ewigenn tidenn sy dar nicht an hindernn will ann den vorgenanthenn gudernn. Ok vmme de thofprake, de Ik meinde tho hebbende tho dem vorbenombdenn Godeshufe vnn den gudern wegeenn vorgenanth, hebbenn my de vorbenombdenn Hern geueenn Achtentich mark ann gudenn Berlinschenn penningen vnd tho der nuge woll betalett, de Inn mine vnd minner eruenn nuth vnd fromenn gekomeen findt, vnd beholde my edder minen eruenn nichteffs ann denn vorbenombdenn gudernn. Vnd efft Ichtess wess In dissem vorgenanthenn breuenn, van minem vader vnd mineffs vader Bröder vnd erer veddenn wegeenn geueenn, vorsumett were an schriftenn, an dichtenn, an punctenn, an artikelenn, dass schall denn vorbenombdenn Herrnn Abbatenn vnd gantzenn Conuente deffs vorbenombdenn Closters Himmelporthen vnshedelikenn wessenn. Alle disse vorschreueenn stücke thofammen vnd ein Jewelk by sick Loue Ik Albrecht Warborch mitt minen eruenn, de nu findt edder nakommenn mögeenn, tho ewigenn tidenn stede vnd vast thoholdende denn vorschreueenn hern vnd Closter Himmelporthen, sunder alle argeliff. Hiran vnd ouer findt gewest de Duchtigenn Hanfs Peckatell, Clauffs kule vnd mehr, de woll eren vnd louenwerdich findt. Tho groter tuchnisse hebbe Ik Albrecht Warborch, Houetman, min Ingefell mitt witschop lathenn hengenn an dieffenn openbrieff. Vnd Ik Curd van Dalem hebbe darmede ouer gewest vnd disse eindracht helpenn dededingen. Tho grother witschop vnd tuchnisse hebbe Ik min Ingefell ock mede lathen hengen benedden an dissen openbrieff. Geueenn vnd geschreuen na Christi geborth viertteinhundert Jar, darna In deme negen vnd druttigestenn Jare, deffs dingstags nah deme Sondage, Alffs men In der hilgenn kerken singett Letare Jherusalem In der Valtenn.

Diser Brief Ist Collationiret vnd vergleicht sich mit seinem Rechten Pergamenen Original allenthalben, Dass Bezeuge Ich E. Seydell, obgesatzer Notari, mit diser meiner Handschrift.